

溪翁昨晚步天津步到天津佇立類洛水只
聞煎去棹西風唯解促行人山川慘淡龍襄
兩樓觀參差鏤暮雲此景分明誰會得欲霜
時候鴈來賓

二十五日依韻和左藏吳傳正寺丞

見贈

上陽光景好看書非象之中有坦途良月引
歸芳草渡快風飛過洞庭湖不因赤水時時
往焉有黃茅日日娛莫道天津便無事也須
闕處著工夫魏師云此天津兩畔景不

二十九日依韻和洛陽陸剛叔主簿

見贈

一霎蕭蕭晚雨餘鳳凰樓下偶驅車却說片
玉知能把樂廣青天幸未疎相聞夏秋聞甚
事可親燈火讀何書恨無東郭嘉程子徒自
悄悄返弊廬張五

伊川擊壤集卷之五

伊川擊壤集卷之六

伊川 邵思 雍光夫

賤六

代書寄劍州普安令周士彥屯田

作官休用歎美為未有升高不自卑君子屈
伸方為道吾儒進退貴從宜即今彭澤歸何
地他日東門去未遲痛恨伊嵩景無限一名
佳處重求賢

二蜀至三吳中間萬里餘去年方北望今歲
復西驅劍閣離天日秦川限帝都臨風相憶
處能飲一盃無

又一絕

又一絕

正當老輩過從日沉值高秋搖落天一把黃
花一罇酒故人西去又經年

和趙克德秘丞見贈

人言人事危冠冕吾愛吾生遠市朝野面不
堪趨魏闕關身唯稱訪楊家殊無紀律詩千
首富有雲山酒一瓢預惜軒車又東去自茲
風月恐難招

和王不疑郎中見贈

二十年來住洛都眼前人事任紛如形同草

本何勝野心類鍾彝不啻虛已沐仁風深骨
髓更驚詩思劇瓊瑤莊周休道虧名實自是
無才悅衆狙

和魏教授見贈

清世文章日月懸無才唯幸樂豐年遊山太
室更少室有水伊川又洛川古有孟軻難語
覺時無顏子易為賢讀書每到天根處長懼
諸公問柱玄

和吳冲卿省副見贈

非有非無是祖鄉都來相去一毫芒人人可
到我未到物物不妨誰與妨失即肝脾為楚
越得之藜藿是膏粱一言千古難知處妙用
仍須看呂梁

和孫傳師秘教見贈

天津兩畔是吾廬時荷夫君枉乘車始為退
來忘檢束却因閑久長空疎與其功業遺青
史孰若雲山負素書一片丹誠最難狀庶幾
長得類丹虛

依韻和陳成伯著作長壽雪會

理苑羣花一夜新瑤臺十二玉為塵城中竹

葉湧增價坐上楊花盛學春時會
綠園皆墨客誰思姑射有神人
餘糧豈止千倉望盈尺仍宜莫厭頻

依韻和陳成伯著作史館園會上作
竹遠長松遠亭令人到此骨毛清
梅梢帶雪微做坼水脉連水澆
澆鳴殘臘歲華無奈感半醺襟韻不勝情
誰憐相國名空在吾道如何必可行

和雙峽張憲白帝城懷古

不憤曹公跨許昌苟非梁益莫爭王
三分區宇風雷惡橫截西南氣勢強
行客往來閑指點史官褒貶浪文章
後人未識興亡意請看江心舊戰場

關適吟 熙寧元年

為士幸而居盛世佳家况復在中都
虛名浮利非我有咏水青山何處無
選勝直宜尋美景命儔須是擇吾徒
樂閑本屬閑人事又與偷閑事更殊
六尺跟前安樂身四時爭忍負佳辰
溫涼氣候二八月道義賓朋三五人
量力盃盤隨草

具開懷語笑任天真勸君似此清閑事
雖老何須更厭頻

莫將真氣助憂傷憤死英豪世更長
陌上雖多馬跳躍天邊亦有鳳翱翔
三千賓客磨圭角百二山河擁劍鉞
等是一场春夢過自餘惡足更悲涼

南窓睡起望春山山在霏微煙靄間
千里難逃兩眼淨百年未見一人閒
情如落絮無高下心似遊絲自往還
又恐幽禽知此意故來枝上語綿蠻

誰將造化屬東風一屬東風事莫窮
殘臘也宜先作策新正其那便要功
柳梢借暖渾搖軟梅萼偷春半露紅
安得舞時情意在輕衫撩亂少年中

桃李吟

桃李因風花滿枝因風桃李却離披
條舒相繼不離手憂喜兩般都在肩
春到感時須入盃盃當極慮却成隨
今人休愛古人好只為今人生較遲

傷心行

不知何鐵打成針一打成針只刺心
心料得人心不過寸刺時須刺十分深

傷二舍弟無疾而化

手足情深不可忘割心猶未比其傷
急難時昔爾相濟終鮮如今我運當
轉轉袂開無並等豈道鴈去破初行
自茲明月清風夜蕭索

東籬看斷腸云水如當月白花似昔年黃
腸斷東籬何所尋東籬從此事沉沉
差肩行處皆成往吊影傷時無似今
清淚已乾情莫極黃泉未到恨非深
不知何日能消盡三十二年癡睡心

又一首

兄既名雍弟名睦弟兄雍睦情何足
居常出入留一人奉親教子如其欲
慈父享年七十九四人稚子常相逐
其間同戲彩衣時堂上愉愉歡可掬
慈父前年忽傾逝爾弟今年命還促
獨子奉母引四子日對几筵相向哭
不知腸有幾千尺不知淚有幾千斛
斷盡滴盡無奈何歸日恩光焉可贖

又一絕

手足恩情重墳荒歡樂長要知能忘處墳草
兩荒涼

聽杜鵑思亡弟

嘗憶去年初夏時與爾同聽杜鵑啼杜鵑今
年又復至還是去年初夏時禽鳥亦知人意
切一聲未絕一聲悲腸隨此聲既已斷魂逐
此禽何處飛

書亡弟殯所

後予吾來先予吾往當往之初殊不相讓

南園南晚步思亡弟

南園之南草如茵迎風晚步清無塵不得與
爾同歡欣又疑天上有飛雲一片世間來作
人飄來飄去殊無因

自憫

天無私覆古今同手足情多驛一空五七年
來併家難六十歲許更頭風常情不免順世
俗私計固難專僕童安得仙人舊查在伊川
雲水樂無窮

戊申自貽

雖老仍思鼓缶歌麻幾都未喪天和明夷用
晦止于是無妄生災終奈何似箭光陰頭上
去如麻人事眼前過中間若不自為計所損
其來又更多

代書寄北海幕趙充道太博

自從終解罷吟哦聊為臨風一浩歌別易會
難情不已登高望遠興如何百年可惜時無
再千里相思事更多今日錫雲真北海况君
雅重幾人過

依韻和王不疑少卿見贈

不把憂愁累物華光陰過眼疾如車以平為
樂忝知分待足求安恐未涯食罷有時尋蕙
圃睡餘無事訪僧家天津風月勝他處長是
思君共煮茶

仁者吟

仁者難尋思有常平居慎勿恃無傷爭先徑
路機關惡近後語言滋味長爽口物多須作
疾快心事過必為殃與其病後能求藥不若
病前能自防

東軒消梅初開勸客酒二首

為愛消梅勝早梅數枝先發日徘徊若教嶺
表臘前盡安有洛陽正後開香逐暖風初出
谷艷隨芳酒正浮醅佳賓會取東君意莫負
乘春此際來

春色融融滿洛城莫辭行樂慰平生深思賢

友開眉笑重惜梅花照眼明况是山翁差好
事可憐芳酒最多情此時不向樽前醉更向
何時醉太平

清風長吟

宇宙中和氣清冷無比方與時獨疾病為歲
造豐穰起自青蘋末來從翠樹傍得逢明月
夜便入故人鄉密葉搖重幄殷花舞靚粧兩
三聲迎笛千萬縷垂楊細度絲桐韻深傳蘭
蕙香樓臺臨遠水軒檻近脩篁盛夏驅煩暑
初晴送晚涼輕披綠荷艾緩透薄衣裳浪走
翩翩袂波生激灑觴悶愁難著莫幽思易飛
揚快若乘天馬醒如沃蔗漿面前遊園苑坐
上泛瀟湘不可將錢買焉能用斗量依憑全
藉德收貯豈須舍無恙兼并取寧憂寇盜據
以茲為樂事未始有憂傷

垂柳長吟

垂柳有兩種有長有短垂唯茲長一種偏與
 靜相宜院宇深春後亭臺晚景時不勝煙幕
 幕無奈日遲遲霖霖雨初過清冷風乍吹章
 臺街左右華表柱東西起眼出牆樹拂頭當
 路技翻翻綠羅帶縹緲金衣蕩颺飄晴絮
 繽紛舞暖絲絲牽寸腸斷絮入萬家飛婀娜
 王恭韻婆娑趨右安脩妍張緒少柔軟沈侯
 羸濯濯青拖地牦牦翠遠池般落花灼灼引
 惹草萋萋鬱鬱籠山館踈踈映酒旗贈人人
 自泣駐馬馬還嘶影裏伊亞去陰中輕鞭歸
 淒涼裝暝靄淡薄掛斜暉悵悵輕攀折憂愁
 重別離早衰綠傍道先茂為臨溪樓外蟬繞
 采橋邊鶯又啼生憎遮望眼死恨學粧眉速
 客莫知數長條曾繫誰經霜儘憔悴來歲却
 依依

落花長吟

以酒戰花穠花穠酒更濃花能十日盡酒未
 百壺空尚喜裝衣袂猶憐墜酒鍾多情唯粉
 蝶薄倖是遊蜂減却牆頭艷為徑畔紅飄

零深院宇點綴靜簾櫳又恐隨流水仍憂嫁
 遠風水流猶委曲風遠便西東狼籍殘春後
 離披晚照中亭臺雖有主軒騎斷無蹤劍去
 擁妃子兵來圍石崇馬嵬方戀戀金谷正忽
 忽曹植辭休切襄王夢已終諺稱尋洛浦浪
 說數巫峯燕^{疑六}許寬還在鶯傳信莫通苔錢如
 可買柳線自能縫悵望尤真宰淒涼殫化工
 放教成爛熳不使略從容命掃心爭忍言收
 計遂窮異香銷骨髓絕色死英雄任詭回天
 力饒矜蓋世功奈何時既往到了事難重開
 謝形相戾與衰理一同天機之淺者未始免
 仲仲

芳草長吟

芳草更休生芳鐫更不傾草如生不已鐫豈
 便能停兩後開池閣春深小院庭是時簾半
 卷此際酒初醒密密嫩方布茸茸綠已成送
 迴殘照淡引起曉寒輕靜襯花村薄開裝竹
 塢清溪邊微水浸原上未春耕莫道香車輾
 休教細馬行藉餘無限意望久不勝情臺迤
 眉初歛樓危眼乍明低低暮雲碧隱隱遠山

青翠接鶯鶯浦萼蓮楊柳汀江渾夜帆落海
 渚晚舟橫戍壘角一弄牧童笛數聲沙頭雙
 鷺下渡口亂鴻鶯鶯鬱鬱出征地羊綿奉使程
 遠披來往路過遙短長亭弄弄秦皇墓離離
 漢帝城荒涼故銅雀破碎舊金陵霧鎖前朝
 事煙昏後世名枯猶藏秋免腐亦化流螢縱
 刻奚由盡繞繞又却榮徒能蔽京觀仍願且
 升平

春水長吟

春在水自綠春歸綠綠遂休清非不逮綠春奈
 勝于秋綠向陽中得清於冷上求加於清一
 等用是綠為優薄薄水初泮微微雨乍收渺
 瀾新島嶼漱澗舊汀洲荷芰低猶卷菰蒲嫩
 已抽蘋繁雖漸出藻荇未全稠日暖鶯鶯浴
 煙晴翡翠游波平躍雙鯉風靜戲羣鷗西蜀
 遼爭舉東旼快競修武陵花再識漢曲環還
 投臺下溶溶通堤遠漫漫流檻前纒此此天
 外更悠悠泛濫情懷惡潏潏意思幽遠山遮
 不斷^任別浦去難留二月溪橋畔三吳野
 渡頭依前橫兩漿特地送孤舟畫手方停筆

騷人正倚樓長江飛絮外只是動離愁

花月長吟

少年貪讀兩行書人世樂事都如愚而今却
欲釋前憾奈何意氣難如初每逢花開與月
圓一般情態還何如當此之際無詩酒情亦

願死不願魁花逢皓月精神好月見奇花光
彩舒人與花月合為一但覺此身遊紫珠又
恐月為雲阻隔又恐花為風破除若無詩酒
重收管過此又却成輕筆可收幸有長詩篇
可管幸有清酒壺詩篇酒壺時一講長如花
月相招呼有花無月愁花老有月無花恨月
孤月恨只憑詩告訴花愁全仰酒支梧月恨
花愁無一點始知詩酒有功夫些兒林下閑
踈散做得風流罪過無

同府尹李給事遊上清宮

洛城二月春搖蕩桃李盛開如步障高花下
花紅相連垂楊更出高花上閑陪大尹出都
門却阜真宮共尋訪不見翠華西幸時臨風
盡日獨惆悵

乞笛竹裁於李少保宅

濃種閨花占地生未嘗容易暫留情奈何苦
愛凌霜節一作况是猶存鏤管名待風至時
富有實學龍吟處豈無聲幽人願乞數枝種
得自君家又更榮

思山吟

看即青山與白雲尋思沒量大功勳未知樂
處緣何事豈止飢時會茹葷十首拙詩難著
怨一罇芳醕別涵春壺中日月長多少能老
紅塵幾輩人
祇恐身閒心未閒心閒何必住雲山果然得
手情性上更肯埋頭利害間動止未嘗防忌
諱語言何復著機關不圖為樂至于此天馬
無蹤自往還

恨月吟

我儂非是惜黃金自是常城愛負心初未上
時猶露滴恰繞圓處便天陰欄干倚了還重
倚芳酒斟迴又再斟安得深閨與收管奈何
前後誤人深

愁花吟

三千宮女衣宮袍望幸心同各自嬌初似綻

時猶淡薄半來開處特妖饒檀心未吐香先
發露粉既垂魂已銷對此芳罇多少意看
風雨駢麤豪

和張子望洛城觀花

造化從來不負人萬般紅紫見天真滿城車
馬空撩亂未必逢春便得春

落花短吟

滿園桃李正離披更被狂風非意吹長是憂
愁初謝處却須思念未開時奈何紅艷易消
歇不似青陰少改移九十日春都去盡罇前
安思更顰眉

芳草短吟

花間水畔綠如茵興廢曾經漢與秦占了山
川無限地愁傷今古幾何人嚴霜殺盡還逢
兩野火燒殘又遇春不那路傍多此物農家
長是費耕耘

垂柳短吟

臨溪拂水正依依更被狂風來往吹薄暮不
勝煙幕幕深春無奈日遲遲誰家縹緲青羅
帕何處踰遮金縷衣猶恐離人腸未斷滿天

仍著亂花飛

春水短吟

雪消水泮綠盈溝翡翠鴛鴦得志秋長恨速
山遮不斷又疑別浦去難留遠堤楊柳輕輕
拂近岸新蒲細細抽滿眼煙波杳無際三吳
特地送孤舟

清風短吟

清風興况未全衰豈謂天心便棄遺長具齋
莊綠讀易每慙疎散為吟詩人間好景皆輸
眼世上閑愁不到眉生長太平無事日又還
身老太平時

暮春寄李審言龍圖

年年長是怕春深每到春深病不任傷酒情
懷因小會養花天氣為輕陰歲華易華向來
事節物難迴老去心唯有前軒堪靜坐臨風
想望舊知音

初夏閑吟

綠楊深處轉流鶯鶯語猶能喜太平人享永
年非不幸天生珍物豈無情牡丹謝後紫櫻
熟芍藥開時班笋生林下一般閑富貴何當

更有讓公卿

代書答開封府推官姚輔周郎中

世態其如與願違必須言進是無知過將底
事閑思處不若西街極論時設有奇才能動
世奈何雙鬢已如絲天邊新月從來細不為
人間愛畫眉

來書云願先生自愛
恐不容久居林下矣

伊川擊壤集卷之六

伊川擊壤集卷之七

伊川邵雍

雍光夫

感七

代書寄凌倅張都官

多慙吾亦未知音天樂雖聞不許尋惠子相
時情自好莊生遊處意能深閑來略記一春
事老去難忘千里心洛社交朋每相見為吾
因掉白頭吟

詔三下答鄉人不起之意

生平不作皺眉事天下應無切齒人斷送落
花安用雨裝添舊物豈須春幸逢堯舜為真
主且放巢由作外臣六十病夫宜揣分監司
無用苦開陳

和王安之少卿韻

却恐鄉人未甚知相知深後又何疑貧時與
祿是可受老後得官難更為自有林泉素素
志况無才業動丹墀荀楊若守吾儒分免被
韓文議小疵

依韻和劉賦方見贈

造物工夫意自深從吾所樂是山林少因多
病不干祿老為無才難動心花月靜時行水